

燕楚游驂錄目錄

甲編

京漢鐵路管理局編輯

卷一

順天府北京

沿革
山水
歷代都邑
歷代京城
歷代政績
邊牆

卷二

順天府北京

歷代武事
寺觀
宮室苑囿

卷三

順天府北京

祠墓
叢譚
陵寢
物產
風俗

卷四

順天府北京

金石

卷五

房山縣

沿革
寺觀
歷代都邑
祠墓
物產
山水
隄梁
歷代政績
歷代武事

卷六

房山縣 金石

卷七

良鄉縣

沿革 寺觀 歷代都邑 風俗 山水 隄梁 金石 歷代政績 歷代武事

卷八

涿縣

沿革 寺觀 歷代都邑 祠墓 物產 山水 風俗 隄梁 金石 歷代政績 歷代武事

卷九

新城縣

沿革 寺觀 歷代都邑 祠墓 物產 山水 風俗 隄梁 金石 歷代政績 歷代武事

卷十

涑水縣

沿革 寺觀 歷代都邑 祠墓 物產 山水 風俗 隄梁 金石 歷代政績 歷代武事

卷十一

易縣

沿革 寺觀 歷代都邑 祠墓 物產 山水 風俗 隄梁 歷代政績 歷代武事

卷十二

易縣

金石

卷十三

定興縣

沿革 祠墓 歷代都邑 風水 金石 山水 隄梁 歷代政績 歷代武事

卷十四

容城縣

沿革 祠墓 歷代都邑 風水 金石 山水 隄梁 歷代政績 歷代武事

卷十五

安肅縣

沿革 祠墓 歷代都邑 風水 金石 山水 隄梁 歷代政績 歷代武事

卷十六

清苑縣

沿革 祠墓 歷代都邑 風水 金石 山水 隄梁 歷代政績 歷代武事

卷十七

滿城縣

沿革 祠墓 歷代都邑 風水 金石 山水 隄梁 歷代政績 歷代武事

卷十八

完縣

沿革 祠墓 歷代都邑 風水 金石 山水 隄梁 歷代政績 歷代武事

卷十九

望都縣

沿革 寺觀 歷代都邑 風俗 山水 隄梁 歷代政績 歷代武事

卷二十

唐縣

沿革 寺觀 歷代都邑 祠墓 物產 風水 隄梁 金石 歷代政績 歷代武事

燕楚遊蹤錄

甲編

京漢鐵路管理局編輯

卷一 目錄

順天府北京

沿革

歷代都邑

京城

邊牆

山水

隄梁

歷代政績

燕楚游驂錄卷一

甲編

京漢鐵路管理局編輯

順天府北京

前門 西便門 跑馬場
蘆溝橋 豐台 長辛店

沿革

北京本虞夏幽冀之域周爲燕召公封國秦置上谷漁陽右北平遼西四郡漢屬幽州部昭帝增置廣陽國魏晉爲幽州晉領燕國范陽二國上谷北平遼西廣寧四郡刺史治涿北魏爲幽州領燕郡范陽漁陽三郡齊周時周置總管府於幽州隋爲涿郡唐爲幽州屬河北道五代爲幽州晉初入遼遼爲南京宋爲燕山府金爲中都元爲大都又置中書省明初爲北平府永樂初建北京改名順天府爲京師治前清因之今中華民國以此爲中央政府之所在地

歷代都邑

附封建 城堡

京師 周爲燕召公封國遼會同元年升爲南京始建都焉開秦時又稱爲燕京金天德四年自會甯府遷都於此貞元元年改爲聖都四年改爲中都元初仍號燕京至元元年

復爲中都四年於中都之東北置城而遷都焉九年改爲大都明初爲燕王封國永樂元年建爲北京稱行在十九年稱京師洪熙初復稱行在正統六年始定爲京師清順治元年世祖定都於此

薊縣故城 在今大興縣西南史記周武王克商封帝堯之後於薊即此春秋時爲北燕國都秦始皇二十一年取燕薊城二世元年武臣將韓廣至薊自立爲燕王漢元年項羽更立其將臧荼爲燕王仍都薊五年入漢仍爲國治地理志屬廣陽國後漢建武二年漁陽太守彭寵反攻幽州牧朱浮於薊三年寵陷薊城自立爲燕王五年寵平初平二年封公孫瓚爲薊侯瓚與幽州牧劉虞不相能於大城東南更築小城以居晉建興二年陷於石勒永和二年燕慕容儁攻拔薊城因都之寰宇記郡國志云薊城南北九里東西七里開十門慕容儁鑄銅爲馬因名銅馬門也歷後魏隋唐皆曰薊縣爲州郡治遼始改名析津今改曰大興元至元四年於中都之東北置城遷都即今治也案禮記樂記武王封黃帝之後於薊陸德明釋文今薊縣卽燕國都孔安國司馬遷及鄭康成皆以薊燕爲一而召公卽黃帝之後班固漢志亦謂召公封此或又謂成王時黃帝後封薊者已絕故更封

召公於薊爲燕其說與史記封帝堯之後及封功臣召公之文皆不合史記正義召公始封蓋在北平無終縣以燕山爲名後漸強盛乃併薊徙居之其說是也又案明統志舊燕城在府西南遼金故都也宋彝尊曰下舊聞考謂今之西安門去唐幽州城東北五里則唐時薊縣幽都皆當在大宛二縣西南

漢書諸侯王表高祖十二年二月封子劉建爲燕靈王方輿紀要云都薊後漢陰鄉侯陰識後漢書本傳字次伯南陽新野人光烈皇后之前母兄建武元年封十五年定封原鹿方輿紀要陰鄉縣屬廣陽國在順天府西南

三國魏志以瑯邪王子文安王曹贊奉北海王蕤後正始七年徙封文安方輿紀要文安漢縣今屬順天府

北魏燕王元譚魏書太武五王傳眞君三年封魏書地形志燕郡屬幽州案故城今順天府西南

涿郡公盧楚隋書本傳涿范陽人越王侗稱制封後爲王世充所殺五代史志涿郡舊置幽州案故城在今大興縣西南

范陽王李孝協舊唐書宗室傳長平肅王子武德五年封新唐書地理志幽州范陽郡屬河北道案故城今大興縣治

燕國公張說新唐書本傳字道濟洛陽人元宗初封卒諡文貞

燕國公馮道五代史本傳字可道瀛州景城人晉出帝封周世宗時卒諡文懿追封瀛王燕王趙俣宗史宗室傳神宗第十子初封魏王徽宗大觀二年改封沒於金

燕國公鄭居中宋史本傳字達夫開封人卒諡文正

燕王耶律烏格遼史皇子表字洪隱以聖宗子封

燕王奇渥溫珍斡元史本傳世祖嫡子中統三年封至元十四年冊爲皇太子薨

燕王奇渥溫喇特納達喇元史諸王表文宗子至順元年封三年立爲皇太子

明成祖以洪武三年封燕王後登帝位

廻城 在縣東南舊唐書地理志沃州濱海縣本寄治營州城內州陷契丹乃遷於薊州

東南廻城舊志有圍城在今縣東南五十里案今南苑廻城外有廻城村村東有土城基

長一里高二丈餘凡五段雖去盧溝稍遠

春明夢餘錄云廻城在盧溝東南

而方向則合或即遺址未可

知也案名勝志迴城在薊縣東唐遷營州於薊爲築此城近薊邱旁

幽都故縣 在今宛平縣西南舊唐書地理志幽州領幽都縣管郭下西界建中二年取羅城內廢燕州廢置唐書地理志隋於營州之境汝羅故城置遼西郡武德元年改曰燕州六年自營州遷於幽州城中貞觀二十五年徙治幽州北桃谷山天寶元年曰歸德郡建中二年爲朱滔所滅因廢爲縣遼史地理志宛縣本幽都縣開泰元年改今名

陰鄉廢縣 在宛平縣西南漢置屬廣陽國後漢省寰宇記在今薊縣南界良鄉東界固安北界三縣交入之地方輿紀要在府西南二十五里其遺址俗謂之籠火城唐武德三年竇建德遣將高士興擊羅藝於幽州不克退軍籠火城是也

廣平廢縣 在宛平縣西唐天寶元年析薊縣置屬幽州三載省至德後復置後又省國門近遊錄盧溝河南過長岡店而西有縣村疑是

玉河廢縣 在宛平縣西五代時置遼史地理志劉仁恭於大安山創宮觀師煉丹羽化之術於方士王若訥因割薊縣分置玉河縣以供給之在京西四十里金廢過長店岡而有縣西村疑卽古玉河縣故址然唐時幽州管內尙有廣平縣亦分薊縣置者所謂縣村

究未定爲何縣也宛平縣西四十里有城子村舊爲玉河鄉地與方輿紀要之說合當即玉河廢縣第故城已無遺跡耳

牙城 在宛平縣西南五里相傳唐藩鎮牙城也或云遼金別都亦在此元遷都稍東舊城半入於朝市無迹可見西半尙存俗呼蕭太后城旁有梁家園

土城 在宛平縣西北得勝門外八里即元大都故城也或謂之土城關 清趙翼土城懷古詩并序德勝門外土阜本元都健德門故址然土人至今呼爲蕭太后土城必有所自案遼聖宗母蕭氏最賢歧溝關之捷益津關長城口瀛州之戰澶淵之役皆與聖宗同行此或其駐師地也 郊圻屹立土門崇遼后曾經此詰戎赤帝敢傷吾子白雌風偏勝大王雄封椿坐困南朝費歲幣終來內府充千載遺踪有雙阜猶傳女隊簇妝紅 負屨圖成鬢未華手携嗣主戰邊沙不聞宮掖悲人薨肯使兵塵喪帝艸粉黛三千欲入塞燕雲十六紀傳家笑他瓊島妝臺女空把才名後代誇

舊燕城 在宛平縣西南遼史地理志晉高祖以遼有援立功割幽州等十六州以予太宗升爲南京方三十六里即遼故都也

京城

京城周四十里南面廣二千二百九十五丈九尺三寸北二千二百三十二丈四尺五寸東長一千七百八十六丈九尺三寸西一千五百六十四丈五尺二寸下石上甃共高三丈五尺五寸堞高五尺八寸址厚六尺二寸頂闊五丈設門九南爲正陽門南之東爲崇文門南之西爲宣武門東之南爲朝陽門東之北爲東直門西之南爲阜城門西之北爲西直門北之東爲安定門北之西爲德勝門門樓如之角樓四城堞一百七十二雉堞一萬一千三十八礮窗二千一百有八凡門樓均朱楹丹壁檐三層封簷列脊均綠琉璃城闕九惟正陽門城闕闢三門譙樓一圍樓三餘八門城礮各一門譙樓闌闔各一凡譙樓闌樓均四面甃垣設礮窗雉堞均留槍竇正陽門東西崇文門東宣武門西朝陽門南東直門南德勝門西各設水關一均內外三層每層皆護以鐵柵今正陽門東崇文門西開一便門又城之東西面各開便門以通京奉京漢火車之來往焉

皇城居京城之中垣周十八里有奇共三千六百五十丈五尺高一丈八尺下廣六尺五寸上廣五尺三寸甃以甃塗以朱覆以黃琉璃瓦其門凡四南曰天安門北曰地安門東

日東安門西曰西安門天安門外東西南三面垣周四百七十二丈三尺六寸南爲中華

門

昔爲大門門牌額係順治元年改定

東爲長安左門門外垣周一百五十五丈西爲長安右門門外垣周一

百六十七丈五尺一寸各設三座門天安門之內曰端門端門之內左曰闕左門右曰闕

右門天安門舊名承天門順治九年改今名地安門舊名北安門亦順治九年改名

紫禁城居皇城之中垣周六里廣袤一千六十八丈三尺二寸南北各長二百三十六丈

二尺東西各長三百有二丈九尺五寸高三丈雉堞崇四尺五寸五分其門凡四南曰午

門北曰神武門東曰東華門西曰西華門四隅角樓各一垣外東西北三面守衛房舍共

七百三十二間

外城環內城南一面計二十八里南面廣二千四百五十四丈四尺七寸東長一千八十

五丈一尺西長一千九十三丈二尺下石上甃共高二丈堞高四尺址厚二丈頂闊一丈

四尺設七門南曰永定左安右安東曰廣渠東便西曰廣甯西便各門俱有甕城門各有

樓城闔七角樓六十三堆撥房四十三所雉堞九千四百八十七炮窗八十八東西便門

樓及角樓制都如城譙樓設炮窗雉堞均留槍竇東便門東西便門東水關各一皆三洞

每洞內外均有鐵柵東便門西水關一內外二層鐵柵如之外城建於明嘉靖三十二年四十一年修繕重城添永定等七門之甕城四十三年京師重城成清雍正五年疊石道廣寧門外廣二丈長亘九里九年增修城洞門復廣石道數里案曰下舊聞考今廣寧門俗稱彰義特沿金元以來舊名耳其實金之彰義當在今廣甯門外之西南距右安門外地稍遠於方位始合金之內城正南門曰宣陽門外橋曰龍津橋外門曰豐宜周煇北轅錄范成大石湖集紀述甚明爲今右安門外地其豐宜之西南當爲景風門再西當爲麗澤門凡經兩門然後及正西彰義門今雖不能據右安門外之豐宜實指金之彰義何處而右安與廣甯相去甚近其非金彰義之舊鑿然無疑也

內城濠河發源玉泉山經高粱橋至城西北分二支一循城北轉東折而南入德勝門西水關至皇城內由大內流出玉河橋達正陽門東水關曰玉河一名御河一循城西轉南折而東環繞九門經九關匯流至大通橋而東悉砌甃石於兩岸地形高下不同濠之淺深因之正陽門外石梁三餘八門各跨一梁外城濠河亦自玉泉山分流至西角樓繞城南流折而東至東角樓環繞七門東達運河門外各跨一梁

皇城內河流四面環繞其由地安門西步梁橋流入者經景山西門而南環紫禁城是爲護城河其西面之水自紫禁城西南隅引入流經天安門前外金水橋下東南注玉河是爲外金水河其由神武門西地溝引護城河水流入沿西一帶經武英殿前至太和門前內金水橋下復流經文淵閣前至三座門從變駕庫巽方繞出紫禁城者是爲內金水河俗名箭子河其由西關門下地溝引護城河水流入經午門前至東關門外循清太廟內垣南流折而東注清太廟戟門外箭子河東南合玉河者係乾隆二十五年奉旨所開之水道至由地安門東步梁橋流入經東安門內望恩橋下流注玉河者又別爲一道也

遼史南京析津府城方三十六里崇三丈衡廣一丈五尺敵樓戰櫓具八門東曰安東迎春南曰開陽丹鳳西曰顯西清普北曰通天拱辰大內在西南隅坊市廨舍寺觀蓋不勝書其外有居庸松亭榆林之關古北之口梁乾河高粱河石子河大安山燕山中有瑤嶼

日下舊聞案遼金城城舊址與今四至不同而實爲都邑迭增之所

王文正上遼事度盧溝河六十里至幽州號燕京子城就羅郭西南爲之正南曰啓夏門有元和殿東曰宣和城中坊閭皆有樓南門外有裕悅王廨爲宴集之所門外永平館舊

名碣石館清和後易之南即桑乾河日下舊聞考案遼史無清和年號惟聖宗嘗改元統和王曾封事所云清和疑即統和之訛也永平館當在今城南遺址已不可考

析津志遼開泰元年始號爲燕京海陵貞元元年定都號爲中都天德三年始圖上燕城宮闕制度三月命張浩等增廣燕城城之門制十有二東曰施仁宣曜陽春南曰景風豐宜端禮西曰麗澤灝華彰義北曰會城通元崇智改門曰清怡曰光泰浩等取眞定府潭園材木營造宮室及涼位十六

金圖經貞元四年金主亮率文武百官幸燕遂以燕爲中都府曰大興定京邑焉都城之門十二每一面分三門一正兩偏其正門兩旁又皆設兩門正門常不開惟車駕出入餘悉由旁兩門焉其門十二各有標名東曰宣曜曰施仁曰陽春西曰灝華曰麗澤曰彰義南曰豐宜曰景風曰端禮北曰通元曰會城曰崇智內城門左掖右掖宣陽又在外焉外墨書粉地內則金書朱地皆故禮部尙書王兢書

大金國志都城四圍凡七十五里城門十二每一面三門其正門兩旁又設兩門正東曰宣曜陽春施仁正西曰灝華麗澤彰義正南曰豐宜景風端禮正北曰通元會城崇智此